

馆藏精品

永乐大典

主编 郑福田

远方出版社

永乐大典

主编 郑福田

第三十卷

远方出版社

数字图书馆
PDG

图书在版编目 (CIP) 数据

永乐大典/郑福田主编 - 呼和浩特: 远方出版社. 2005. 11

ISBN 7 - 80723 - 108 - 4

I. 永… II. 郑… III. 百科全书 - 中国 - 明代 - 缩写本
IV. Z224

中国版本图书馆 CIP 数据核字 (2005) 第 138929 号

永乐大典

主 编: 郑福田

出版发行: 远方出版社

社 址: 呼和浩特市乌兰察布东路 666 号

邮 编: 010010

经 销: 新华书店

印 刷: 北京一鑫印务有限责任公司

开 本: 850 × 1168 1/32

字 数: 490 千字

印 张: 275


版 次: 2006 年 1 月第 1 版

印 次: 2006 年 1 月第 1 次印刷

印 数: 2000 套

标准书号: ISBN 7 - 80723 - 108 - 4/K · 1

定 价: 960. 00 元 (全 48 册)



目 录

永
乐
大
典

永乐大典卷之一万三千三百四十四 二寅 (1)

〔原藏翟理斯〕

永乐大典卷之一万三千四百五十 二寅 (30)

〔原藏来比锡大学图书馆〕

永乐大典卷之一万三千四百五十三 二寅 (94)

〔原藏美国康乃尔大学〕

新
平
學
社
PDG

永乐大典卷之 一万三千三百四十四 二寅

原藏翟理斯

示 诗二

【刘将孙养吾集】《示赵青山》：连床听夜雨，推枕话平生。此世无宾主，穷途自弟兄。向来何许志，乱后且为情。士稚何当旧，还令越石惊。

【胡铨澹庵集】《示公冶》：不妨我与鱼传素，只恐人言鸩作媒。莫笑东坡管闲事，细将红叶写将来。

【非空上人集】《释戒珠示家齐》：蜀郡将家子，麒麟汗血儿。弯弓须满月，洒翰必临池。分禄从亲惠，趣庭赖母慈。飞腾应早计，练达在斯时。

《示康衢》：衢有楼曰水云衢，名振德康子三招鹤上仙，楼头夜写步虚篇。四空云月东西景，一片星河上下天。槛外渔灯萤火点，樽前家燕蟹螯鲜。鲁杨说在青囊秘，到处寻龙著钱鞭。

《示通彦达》：行役龙江命一线生，还喜慰白头师。堂前

净划临皆草，嵩顶低回偃盖枝。衲补竺天云玛瑙，瓶携建业水琉璃。补围僧牒如官诰，新注楞伽课六时。

【吕州集】《王庭筠示赵彦和》：四柳危亭坐晚阴，殷勤鸡黍故人心。儿孙满眼田园乐，花木成阴丰岁深。十亩苍烟秋放鹤，一帘凉月夜横琴。家山话计良如此，归兴秋风已不禁。

【耶律楚然湛然居士集】《示石州刘企贤》：西州来索湛然诗，笑点霜亮录鄙辞。底事行藏元有数。斯文否泰本由时。硕材未信明君弃，雅操何惭暴吏欺。此语颇涉人忌讳，等闲勿使细民知。

【钱塘韦骧集】《出东菜城示海旁观者》：老稚相携出翳林，玉沙堤上听车音。便安赤子朝廷意。补助清时使者心。猷乘均休无一役，岁时赈乏有千金。东人只见东溟阔，不识君恩似海深。

【蕙乘拾英集】《介甫示文淑》：少年离别意非轻，老去相逢亦怆情。草草杯盘供笑语，昏昏灯火话平生。自怜湖海三千隔，又作尘埃万里行。欲问后期何日是。寄书应见雁南征。

二

《文淑次韵》：昔年送别向都城，邂逅今宽万里情。壮观已怜江路隔，高谈却待月华生。君随传入随堤去，我驾车从蜀栈行。两处相逢知有日，新诗何幸慰西征。

【朱晦庵集】《日用自警示平父》：圆融无际大无余，即此身心是太虚。不向用时勤猛省，却于何处味真腴。寻常应

对尤须谨，造次施为更莫疏。一日洞然无别体，方知不枉费工夫。

《舟用前韵示诸同游》：幽卧寒岩不记年，饱看山月听风泉。舒忧正得琴三叠，玩意惟凭易一篇。误落尘中乖凤尚，却思洞裏付真传。封章悦幸天从欲，便解铜符谢鹭鸶。

《示诸同志》：夏木已云暗，时禽变新声。林园草被径，端居有余清。端居亦何为，日夕掩柴荆。静有弦诵乐，而无尘虑并。良朋肯顾予，尚有凤心倾。深渐未闻道，折裹非所宁。眷马抚流光，中夜叹以惊。高山徒仰止，远道何由征。

【李大隐先生集】《元曰示邦求》：济时材术本无庸，长大犹存伯业功。骐驎已消千里志，鸡鹜聊避广川风。论都正恐讥伦父，置酒深渐及寓公。早晚共谋归去计，烟波程程五湖东。

《示艾若讷》：文章自昔为难事，词赋于今岂易工。入室升堂方尽善，枝青配白漫称雄。师资未省逢掠敌，衡鉴应宜探古风。顾我平生章句学，强谈文律愧空空。

【曾丰樽斋集】《长韵示阿柄在韶遣行》：遭罹意外罢微官，更被归途瘴见奸。仆从阽危谗遣鬼，妻孥濒死谢还舟。回头海表山如许，屈指江西路若干。先遣一书报儿辈，吾其老矣幸平安。

【胡寅斐然集】《示阮冠》：一行作吏掷分阴，世路尘劳满客襟。三语风流归梦想，十年书问寄浮沉。门前种柳春光妙，堂上鸣弦古意深。别后新诗都觅取，对哦湘渌醉还斟。

《腊雷春雪示吉甫》：晓色空明衡岳南，一尘那复隔仙凡。贯时松竹色自好，破腊雷霆声未咸。万里鲛绡开步障，千金火院试春衫。渔舟不与人供尽，独驾云涛月满帆。

《示程生二首》：利域名途较少多，人生那用学灯蛾。如君甘作长贫士，视古宁惭独行科。雀可罗时烦宠顾，鸢常站虏重经过。扁舟又指闽山隐，奈此苍凉别意何。柴桑风度亟清真，地位当齐古逸民。不为儿曹营饱暖，聊将诗句写经纶。喜君自得超遥趣，与世相忘寂寞宾。剩欲细论嗟遽别，空惭祖谢响然臻。

【赵忠正德集】《宗陆昭中》：执来田园正所图，无心重整少时书。功名常若归难必，拙直悬知退有馀。避谤杜门宾客绝，病痰妨饮酒杯疏。平生刚笑孔文举，老我年来百不如。

【葛胜仲丹阳集】《葛胜仲示友卿》：飞藿萧萧晚自零，来时濯木如欣荣。每因劝学添文思，却为回文动旅情。好逐诸儒勤释菜，莫忧贫嫂便羹。似闻阡泽中霄梦，月裹分明有姓名。

【徐安国西窗集】《示倅》：谁把螭头续继碑，英雄能得几多时。八千顾指功何补，六十头颅事可疑。击声有心怜荷蕢，泣歧无计免悲丝。何如卖却腰间剑，徒手归扶雨后犁。

【曾文清公集】《示逢》：清癯骨相类诸生，龟勉寒窗守一经。用赋要窥司马室，学诗频过伯鱼庭。可怜亲发镜中

白，莫负子襟身上青。五桂荫门家世事，寂寥天畔几回星。

【沈潦云集編集】《重示》：不识南宗与让宗，欲齐得丧已非通。若将直指生为梦，便可偏知色是空。莫为严周驰诞说，欲轻摩诘作襄翁。古人言句真刍狗，天外秋来有信鸿。

【僧子腾集】《因江幕李员外庆孙累以书见示》：兼觅拙编，偶成一章，并引五七言三十首奉呈。叠垂书示觅新诗，此道长惭未遇师。得句每嫌无豹变，成编欲写尚孤疑。梦回青草凭谁信，吟到碧云难自知。五七言诗三十首，为看时体合何为。

【朱昱懒轩集】《示江子我》：蝇营狗苟祇貽羞。万事何能著意求。自引闭门从所好，不妨高枕得无忧。经年不濯子春足，半月才梳叔夜头。此味肯教儿辈觉，诵书声裹卧黄绸。

【示罗教授楚知监】：半世交游无远信，一时宾客有新知。泮宫官冷宜谈妙，园府钱流不废诗。封水占山为久客，合樽促席及佳时。盆山突无清泉满，中有三江万里思。

《示张子昭》：西日未收东雨来，南轩相封让窗开。茫茫移冗蚁旋磨，扰扰出檐蚊聚雷。三宿定成桑下恋，一篇聊向雨中催。忌形赖有张公子，人手围棋到夜回。

《中秋示潘子贱》：云彻通明殿，风涵白玉楼。幽人当此夜，满意作中秋。念念何曾间，尘尘自不投。羁怀忽冰释，天地一虚舟。

【朱崧韦斋集】《示谢彦翔二首》：满川秀色野阴疏，知

有儒先隔水庐。借我宝函河上语，只看尺许定何如。

后身梅福与谁论，正有幽人夙契敦。更欲上书陈世事，却来微服守吴门。

《示金确然》：年落天涯身百忧，故人千里肯相投。知君强记当年事，莫说家山恐泪流。

《次韵梦得示长篇》：雉驯不因媒，鸠暖自呼妇。诗成桃李阴，知是霹雳手。薄书我亦献，兵壑自自有。却言支璃瓠，鲍食得薪樗。俗夫尝世味，甘苦半啜呕。知公超然处，心迹两无垢。愁阴老芳物，虫鸟故相诱。浪蕊费收拾，柔条可结揉。岂无我辈人，一醉开笑口。那知市门底，客倦枕两肘。眼高可人稀，命蹇亨运偶。平生顾执鞭，见谓子小友。细观恺悌心，宜在帝左右。却来尘埃中，寂寞对五柳。穀音藏鹄羽，正待荆溪剖。学政容窥谱，问字当载酒。虚名翻误蒙，恐坐箕与斗。言诗终不称，永愧赋琼玖。

【黄裳演山集】《偶成示道温》：何当归卧水云乡，不必功名似子房。一黍精华空色大，百年形数古今长。谁知扰扰还三得，独向冥冥遣两忘。少室山头星月近，紫薇垣下起天香。

六

【赵蕃淳熙藁】《桃川山中周陈苏旧韵示周游》：仙人之为仙，终古莫尽世。颇笑区中人，汙汙逐川逝。念将与之游，端恐吾道废。如为千里行，数步辄一憩。不姑返吾乡，耕凿仍树菽。及私个伏腊，输王应租税。人惟颜徒晞，学匪杰犬吠。桃源定何许，说自渊明制。今日复何日，身乃山中

诣。嗟哉彼嬴秦，其虐甚幽厉。不知丧无日，万欲从始岁。商山被褐者，痰疾由德慧。徐福尚海山，此地只楚界。胡马略不闻，政坐耳目蔽。神仙非吾学，可以置度外。山高水深深，好事幽寻契。

《此见愚卿于庐陵出示杨谨仲诗》：卷中及其弟鲁卿，问其所在，云隽往岳麓度夏，今日见杨谨仲，又云，其弟卓乡近过此。奉其母往游洪之西山，回途游阁皂乃归尔，余方困于道途，有叹于其人，作诗须到吉，示愚卿及二君云。

庐陵得交君弟兄，杨子词中称鲁卿。问云携琴岳麓行，归期去日云秋清。今晨复见杨子面。为言卓卿近相见。玉隆阁皂两仙山，游以娱亲趁鲜健。我时闻之与杨子，啧啧叹息久不已。我方五斗困尘埃，渠亦楼迟一丘底。鲁卿卓卿真愈人，枉道儒冠解误身，异日名山恍行遍，卧喻好学宗少文。

《夜坐读书有感示儿曹》：昨夜秋风入短檠，试编简似前生。不求甚解慕名语，足记姓名嗤老兵。但得作诗穷有味，曷忧从宦久无成。汝曹未可还翁学，当念无田事笔耕。

《示表弟沈见可》：襄公台上送入日，道乡台上看出云。穷居逼仄不屡到，柱杖容与能平分，江湖鹤发叹老我，道路蚩足嗟夫君。书手政自难偷度，诗里还嫌异所闻。归来客去雨亦作，此故未易轻谈云。

《分宜示沈第》：水后虽颓记，江边不寂寥。鼙声投市井，落景见渔樵。喜我扁舟泊，劳君半道要。他乡惟表弟，兹语验今宵。

《示詹深父》：浊泾清渭本源分，寂寞安能乱纠纷。世黠只知钱使鬼，我痴但识颖呼君。乘时天狙千金射，望岁良农亦地耘。富贵要知定何物，五车何必为渠勤。

《九月十一夜雨中读吴梦与诗书以示之》：

疾风吹雨过江干，老屋阙床无处干。切切冷蛩深撼壁，累累饥鼠下窥簞。枕衾屡抚眠难者，灯火重呼诗细看。漫说为官犹我似，念君怀抱若何宽。

《经句不作诗示明叔》：

春风著物已熙熙，枯木无心亦自知。径欲殷勤辞故絮，却怜窘束欠新诗。老来政怯花经眼，游倦翻成鸟遶枝。同病同忧有如子，更堪相对两霜髭。

《八夜应潭对岸作示成父》：

溪山风月两相当，痼疾真成得秘方。往日同舟但饶信，只今去路落湖湘。贫离亲戚古所叹，归去田园老未忘。试遣溪头问酒价，扫沙聊得踞胡床。

《同成父过章泉用前韵示之》：

频年尽室依此行，意谢朱儒奉囊粟。今当舍竹去作吏，竹为嘿嘿如抱辱。嗟我作吏岂俗徒，虽非计然念则熟。如闻西江之水深无底，可以濯缨仍濯足。昔人一为功名误，置碑且虑变陵谷。那知立名自有道，未妨痛饮离骚读。人生于世警于味，马肝不食宁非肉。第当进德使有闻，兄变自期无碌碌。

《将行示远父秉文四八第》：远父，王彦博所改字。鸡啼午

方亭，蝉噪暑未秋。寓居虽市近，适意如林投。可人谁能来，王徐真胜流。王居近官道，树林间田畴。徐居复如何，老木荫浊沟，我往必竟日，不为有鱼留。我有长安行，食谋非道谋，王郎上冢去，决为问吴舟。令弟饥所驱，迤邐从此由。徐郎独不出，于世罕所求。念当为此别，要历山寺幽。令弟既泣女，我亦病未瘳，是事且若此，其他当罢休。中秋与重九，预作离阔忧。惟其梅花时，醉之此山头。

《夜坐示进之兼怀文叔》：

贫病人谁数，情亲肯见存。掩窗同此夜，拨火共残温。未暇饭饱吃，且从文细论。平生松谷老，同姓与君敦。

《用歆示成父》：林动微微扫，庭空月正方。不知尽已短，但觉夜初长。了了游乘旧，駸駸老至将。街头卖紫角，瓮裹洒鹅黄。

《示成父》：

两重冬裘溲，泥深古道赊。东西但烟嶂，高下绝风花。斯句病肝肾，食寒愁齿牙。赴期元不后，分路各从家。

《口占示成父》：

雨暴落何方，空成掣电光。凄凉风陡变，黯黹月微妨。就取征衣盖，黄谈三径荒。蝉连几彻晓，有恨故恨恨。

《十五日早行示同舟》：

了了晴山见，纷纷缩雾空。樵归妇腰斧，渔罢叟收筒。但取登临适，何须吟啸工。平生钓台路，明日与君同。

臧正卿，示旧所唱酬秋字歆诗轴，要季际同用韵赠之。

平生人物论，自谓富阳秋。满世多遗恨，相逢足破愁。
独怜金错罄，虚负木瓜投。风节他年事，期君折槛游。

《代书示逸二首》：风号窗外独株松，想汝看书趁晓钟。
是我起行茅店月，御寒还觉欠龙茸。

别日才留两月粮，况经裘葛变炎凉。未知别后端何似，
不见寄来书一行。

《示赠耆英并其侄》：

伴我山行陈与吴，曾家父子更怜渠。武山碾得雪相似，
来酌观山水不如。

《示严君》：

酒债未忘索，诗狂无用嗔。年华独是腊，风日已如春。
我鬓萧萧白。庭柯濯濯新。晚来喧暖剧，还遣振悬鹑。

【章甫自鸣集】《重九前一日示弟姪》：人生百岁未易满，
我已五十仍加三。异县长怜九月九，故园远在南山南。绿尊
青眼旧相得，黄菊白头还好参。明朝汝辈早同出，脚力跻攀
吾尚堪。

【韩驹陵阳集】《示龟山平老》：二年三饮龟山井，道上
菰蒲亦笑人。独觉是身多世累，一庵何日与翁邻。

水横绝浦曾争渡，浪打船头又少留。安得一舟淮上钓，
水生水落任沉浮。

【陈造江湖长翁集】《示阿泰三首》：拏累登招宝，独留守
舍，既归小诗付之。鲁倚新晴望海天，天容海锴湛相鲜。奁中
遥点群鸦影，万舶千艘忽过前。

官上依然四座空，讼庭人寂每从容。看家不为穿窬计，老去登临分外庸。

老稚悬知乐有馀，迎门先问小于菟。风烟满眼山环海，对酒还曾断句无。

【元蒲道源颂斋丛藁】《阳月十日旦起示薛生》：深得闲中趣，何求身外名。晨香生净想，午茗涤余醒。习气书难拾，风光句偶成。天公于我厚，自有岂宜轻。

【耶律楚材湛然居士集】《示志忧并序余作怀古诗百韵》：非徒作已，使世之人知成败之可鉴。出世之人识兴发之不常也，因作偈已见意云。历代兴亡数张纸，千年胜负一盘棋。因而识破人间梦，始信空门一看奇。

【郭祥正青山集】《示秦医二首》：忧来何物可销除，幸与秦医校局讎。白黑势成分胜负，不知柯烂得归无。

门临池水静无风，绿树阴阴小径通。时有秦生来过欠，一枰成败漫论功。

【戴栩浣川集藁】《仙都示马令克》：钓鱼自荐桃花竹，借麴新芑竹叶醪。一段清贫眼中见，定非裴点入诗骚。

【江湖续集】《沙门绍嵩亚愚示德圆》：莫因居此与名疏，未可唐损肘后书。尽短夜长须强学，青春不再汝知乎。杜荀鹤翁元广余良弼

【韩维南阳集】《戏示程正叔》：范彝叟时正叔自洛中过访。曲肱饮水程夫子，宴坐烧香范史君，顾我示能忘外乐，绿樽红芑对朝勋。曲肱饮水，一作闭门。宴坐烧香，一作隐几烧香

朝熏一作斜曛。

【稣颖滨集】《次前韵示杨明二首》：晚岁有余乐，天教一向闲。嵩阳百口住，岭外七年还。卜宅先邻宴，携瓢欲饮颜。吴僧来不久，相约扣禅关。

甘井元依庙，平湖亦近城。幅巾朝食罢，芒屨雨中行。扰扰初何事，悠悠毕此生。欲邀东廓叟，烦子作郊迎。

【宋陆子寿集】《道间示德甫德称》：天地中间本自置，何须特地起无端。更宜顿扫从前事，相与携节一笑欢。

【计景横塘集】《许景衡示师言民表》：二子追凉古寺东，阴阴绿叶散清风。华门蜗舍日亭午，试问此风同不同。

【詹郭仁清隐集】《俳访刘君乙时已歿，故将归，王令留之不可。以书来嘱作此篇示。

刘郎踪迹久荒凉，卜宅何妨虏土乡。壮志莫随流俗变，老夫双鬓已凝霜。

【宋吕居士诗】《示沈宗师》：十日儿号不出房，残梅独在小瓶香。沈郎唤客煮汤饼，政恐匆匆未得尝。

九日狂阴一日晴，落花飞絮作清明。与君携手南楼去，共听长江月下声。

【刘学易先生集】《刘元城夜坐示儿侄》：露下天高秋气清，北书不到鹰无情。且将款曲终今夕，遮莫邻鸡下五更。

尊香轻泛数枝菊，岂独春风一一回。自怜寒律穷途客，不恨飘零却恨开。

《戏示语道》：御史青骢持望重，将军赤菟得熏多。乘黄

骀袅今相见，垓下乌骓奈若何。

【刘行简苕溪集】《刘行简登看经楼示同将》：昔游曾共朱栏语，十换星霜如再来。料得当时楼下水，有情应解作潮回。

【邹道卿先生集】《将往昭州示柄》：与汝暂相别，南作昭州行。昭州距零陵，坦坦十日程，音信易来往，勿动异乡情。但自勤读书，思索厥义精，圣贤如日月，为汝出光明。修身识根本，力践以其诚。发于文字间，笔墨自纵横。零陵豪杰士，张邓尤高名。张枢子发邓璋德甫汝其师事之，北面听指令。分阴古所惜，况乃汝后生，省定汝母外，慎勿他事萦，皇恩亟天地，我罪终从轻。还家如有时，欣见汝向成。用为祖母寿，慰叔及弟兄，携汝乡国，重增门户荣。

《示长卿》：君与我同庚子生，连年忧患亦纵横。天高休说不可问，心下直须深自明。运囑时雍人正乐，祀严郊报礼初成。涤瑕荡垢知多少，行矣欣欣木再荣。

《示仁仲绝》：槎头一别十经年，月照黄茅梦不圆。今日北归恩赐与。相逢如在四禅天。一根烧筍共分甘，仿佛当年汉水南。红柿鸟残无此意，前三三与后三三。

《示长卿二绝》：摄虏炎荒已二年，亲朋书问亦茫然。独君风义能终始，不管烟岚肯着鞭。

一别和州二十年，山长水阔去无缘。因君说起外家事，特地栏边心怅然。

《戏示柄》：汝乃狮子儿，时作狮子吼。他年毛骨成，一